

Votum Anpassung der Entschädigung der Mitglieder des Stadtrats ab 2022; – anlässlich der Einwohnerratssitzung vom 11.03.2021

Einwohnerrätin Corinne Horisberger-Buri

Geschätzte Ilwohnerratspräsident,

gschätzte Kolleginnen und Kollegen us beidne Rat, Wert Vertreter vu de Press.
FDP gseht de Handlingsbedarf em Zämehang met de Anpassig vu de
Stadtratsentschädigungen abem 2022.

Gemäss § 36 Abs. 1 des Gemeindegesetzes het de Gmeindrat dVerwaltig zweckmässig und
fortschrittlich zorganiziere. Mit em kommunale Exekutivamt sind aber nicht nur Führi- und
Steuerigufgabe verbunde, sondern auch vielfältige Kommunikations- und
Repräsentationspflichten. Lösigsorientirts handle und ziiitliche Verfügbarkeit isch debi gfrogt.
Zämefassend chan mer säge, dass dUfgabe vu de Gmeinds-Exekutive mit dene vunere
Gschäftsleitig oder emene Verwaltungsrat (je nach Führi-Modell) vumene Unternehme ede
Privatwirtschaft vergleichbar sind. Somit sind auch dAnforderige anes Stadratsmitglied durchuus
met de Anforderige ane Führi-schafft vumene KMU vergleichbar. Us dem Grund isches doch
verfehlt und nümme ziiitgmäss, politische Arbeit im Milizsystem als vollständig ehrenamtlich oder
laienhaft zbezeichne.

De Aspekt vu de Ehrenamtlichkeit wird au met de Erhöhg vu de Entschädigung zwar an Bedüütig
verliere aber trotzdem nid ganz verschwinde. Denn au met de Erhöhg vu de Entschädigung
wird's de effektivi Ufwand wo das Amt erforderet unter Berücksichtigung vu Repräsentations-
ufgabe und Networking-Aktivitätä nid möge decke.

Wiiter begrüsst d FDP, dass in Zukunft Entschädigungen für Tätigkeit wo en Stadtrat ufgrund vu
sim Amt wahrnimmt ed Stadtkasse fliesse, das treit zur Transparenz vu de
Gsamtentschädigungen bii und stellt sicher, dass es zu keinere ungerechte Verteilig vu de
Einkomme vu de verschiedene Amtsträger fñhrt.

Lenzburg isch e de vergangene Jahr gwachse, doh demit au Verwaltig und Komplexität vu de
Ufgabe wo de Stadtrat zbewältige het. Verglicht mer Entschädigung met vergleichbare Städte im
Aargau wie Brugg und Zofingen gseht mer au doh, dass die Erhöhg nid überrisse isch. Be
Zofingen und Brugg isch bem Vergliichswert Entschädigungen vo Drittorganisationen wie au
d'Anpassige vu de Schuelorganisation nid berücksichtigt, vermuetlich wird die gesamthafti
Entschädigung drum sogar be beidne Städt höher si als be eus zLenzburg.

Ufgrund vu de erwähnte Gründ sind mer de Meinig, dass die Entschädigungserhöhg wo
d'Erhöhg vu de Arbeitspensen wie auch die neui Schuelorganisation umfasst, durchuus als
gerechtfertigt agluegt werde chan. Es isch au fair, dass für die neue Stadratsmitglieder damit
klari Rahmenbedingigen gschaffe werdidi. Mer bruuchid motivierti und starki
Führi-schafft wo eusi Stadt au gern en Zuekunft aktiv wend mitgstalte und das dñrf
eus alli au chli öppis meh choste, mer werdidi au alli vu dere ihrer Arbeit profitiere.



Ich wettis nid unterloh und festhalte, dass de Ziitpunkt vu dere Vorlage zmittzt ede Corona-Pandemie bzw. sogar em Lockdown nid sehr glücklich gwählt worde isch und ufgrund vu dem verständlicherwiis Emotione be zahlriiche Bürgerinne und Bürger vu Lenzburg het loh ufchoche. Vellich wär es abwarte bes zu de Juni-Sitzig bezli cleverer gsi. Us eusere Sicht isch das en Vorlag wo mer huet drueber abstimme, wo Entschaedigung weder foeor die naechschte 10-20 Jahr reglet. Und wenn mer ufgrund vu Covid-19 die Entschaedigungen nid soettid/wetted erhoehere und sich solidarisch zeige, denne chan mer doch nid vu de 3 zuekuenftige Stadtroet zur Kasse bitte, sondern denne liits am aktuelle Gremium us eigner Stueck uf en Biiitrag zverzichte.

Was Kommunikation abelangt, hend mer erneut en dringendi Bitte an Stadtrat, bitte verbesserid unbedingt euchi Kommunikation. Es chan nid si, dass mer us em liwohnerrat us de AZ über söttigi Vorlage informiert werdidi. Genau söttigi Vorlage bruchid grosses Fingerspitzengfüehl und müend zwingend zäme metere Medienmitteilig ad Öffentlichkeit. Wiiter würdid mers sehr schätze, wenn mer en Zuekunft churz per Mail würded informiert werde, dass Sitzigsunterlagen uf de Websiite vu de Stadt ufgschalte worde sind. So chönnid mer genau die Unstimmigkeiten vermiede. Merci vellmol!
FDP unterstützt einstimmig die Vorlage.



Freiheit



Gemeinsinn



Fortschritt